



3.12.2010

## Säämi kulttuuräärbi syeje kalga pyeredid

Sämitige 3.12. ornim seminaarâst Levist savâstállui säämi kulttuuräärbi syeje táárbuin. Seminaarâst čielgâi, et sâmikulttuur syeje pyeredem váátá lase naavcâid já ravvuud.

Seminaar lehâstâm sämitige iäláttâs- já vuoigâdвуодâlâvdikode värisaavâjodetteijee Heikki Paltto muštâlij sâmikielâ já iäláttâsâi koskâvuodâst. “Sâmikielâ já sâmi-iäláttâsâi puátteevuotâ lohtâsávâ oohân. Eellimvuáimâlij sâmi-iäláttâsâittáá sâmikielâ hiäjusmuvâ”. Sämitige saavâjodetteijee Klemetti Näkkäljärvi säárnui säämi immateriaallâš kulttuuräärbi suojâlem tiileest Suomâst já sämitige koskâsii oovtâstpargoost. Saavâjodetteijee Näkkäljärvi lopedij čovgâ oovtâstpargo säämi aalmugsiärvâduvvâin sâmikulttuur sajattuv pyereedmân. “Mii, sämitigge já taidâreh já tuájâreh kolgâččijm ovtâstittid vuoimijdân ohtsii säämi kulttuurpoolitlii ohjelm rähtimân. Sämitigge uárnee kiđđuv 2011 ohtsii čuákkim säämi kulttuur- já taaidâservijguin. Čuákkimist lii uáivilin valmâštállâd oovtâst iäv-tuttâsâid sâmikulttuur syeje pyereedmân. Sâmikulttuur syeje pyeredem váátá lase naavcâid já vuoigâdвуодâlâi syeje ovdodem”

Sânimuseo Siijdâ, sâmmilij aalmugmuseo, jodetteijee Tarmo Jomppanen kiedâvušâi jieijâs saavâst säämi materiaallii kulttuuräärbi suojâlem táárbuin. “Museotooimâ já säämi materaallii kulttuurlâš syeje ovdodem turviimân Suomâ museoi sâmičuágâlduvâid kolgâččij finniđ sâmisiärvâduv palvâlusân já čuágâlduvâid kolgâččij finniđ almolâvt uáinusân. Puáttee haldáttâspajan kalga asáttid mittomeerrin Sânimuseo Siijdâ vijđedem já ton ruttâdem turvim.”

Sâmi Duodji ry saavâjodetteijee Rauna Triumf muštâlij säämi tyeje kulttuurlii merhâšumeest já säämi tyeje toorjâtáárbuin. “Tyeji lii eellimvyehi, uási säämi sosiaallii vuáhâduv, moin ulmuuh šad-deh já uáppih. Tyeji lii sâmmilij kollektiivlâš omâdâh já tot puáhtá uáinusân sâmikulttuur holistilii jurdâččem, mast puoh ääših vaikutteh puoh äššijd. Lii vaidâlittee, et Sâmi Duodji sajattâh ij lah tuárvi pyeri škovliimist já ohtsâškoddeest. Sâmi Duodji turvim váátá lase naavcâid já tyeje škovlim ovdodem kolgâččij tábâhtuv säämi vuolgâsoojijn. Lasseen halijdâm kijtteđ sämitige já ton saavâjodetteijee Sâmi Duodji táárbei vuotânvâldimist”.

Jyeigee, sämitige stiivrâ jeessân Petra Magga-Vars muštâlij juoigâm merhâšumeest nuuvt sanijguin ko juáigusijguin-uv: “Juáigus čáittá sâmikulttuur. Juáigus siskâldâsâst puáhtá čielgâsávt uáinid páihálii kulttuur almoonmijd já oppâđ madârvanhimij historjâst. Juáigus sajattâh ij lah Suomâst tuárvi pyeri. Juáigus taarbâš eenâb torjuu, resurssistem já uáinusistorroom ubâ Suomâst. Škoovlah kolgâččii váldid juáigus máttááttâsvuámij uássin, vâi juáigusist finniiččij ohtsâškoodán luándulii uási”.

Seminaar vuolgâttij noomâ viestâ máttááttâs- já kulttuurministeriön, sämitiigán já säämi máttááttâskuávdázân säämi tyeje máttááttâs ovdodemtáárbuin. Säämi máttááttâskuávdáá säämi tyeje máttááttâs ij palvâl sâmikulttuur táárbuud, ko máttááttâs tábâhtuvâ syemmilâš kulttuur vuolgâsoojijn. Seminaar páhudij, et škoovlâ máttááttâs kalga nubâstutteđ nuuvt, et máttááttâs hokáttâl meid sâminuorâid.

Kulttuurminister Wallin vuolgâttij kirjâlii tierváttâs seminaarân. Kirdeejasko eestij kulttuur- já valastállâmminister määđhi Levin. Minister Wallin muštâlij tietimist Suomâst ellee ruotâkielâlâžžân,

maggaar lii eelliđ kielâucceeblovvoost. Jieččân tuáváá keežild puávtám pyereest jurdâččid, maht tist oro ko piäluštvetteđ jieijád vuoigâdvuodâid. Minister Wallin čaalij, et sun lii eromâš ilolâš tast, et säminuorah láá nuvvt aktiivliih sämikulttuur aaitârdmist já oovdedmist. “Haldáttás puáttee ive bud-jetiävtuttásân kulá meiddei sämikielâlii oppâmateriaalmeriruudâ luptim. Lasattásâin mainâšuvvoo, et sämikielâlij oppâmateriaalruudâin kalga čuosâttiđ tuárvi ennuv ruudâid meid nuorttâ- já aanaar-sämikielâlâš oppâkirjijd.”, Wallin čaalij

Lasetiäduh: Saavâjodetteijee Näkkäljärvi (050-5242109)

Seminaar saavâjodetteijee Aslak Paltto (+358405620354)

[www.samediggi.fi](http://www.samediggi.fi)